



Fréttabréf Naustaskóla

1. tölublað, 3. árgangur, 5. janúar 2010

Ábyrgðarmaður: Ágúst Jakobsson

Námsaðlögun • Athvarf • Umhyggja • Samvinna • Táp og fjör • Allir með!

Sjálfbóðaliðar óskast!

Eins og flestir vita hafa foreldrar annast gangbrautavörslu hjá okkur í haust og hefur verið gríðarleg hjálp í því. Nú vantar okkur foreldra til að manna gangbrautina nokkrar vikur í vor. Fyrirkomulagið er þannig að hver og einn annast viku eða nokkra daga eftir því sem tók eru á. Þeir sem sjá sér fært að taka þátt í þessu eru beðnir um að hafa samband við skólustjóra með tölvupósti í netfangið agust@akureyri.is Þá væri einnig gaman að heyra frá foreldrum sem myndu treysta sér til að koma inn í forföllum kennara eða aðstoða á annan hátt við skólustarfið...

Dansklæðnaður

Nemendum er bent á að þá daga sem þeir eru í danskenslu er betra að mæta í skólann í þægilegum klæðnaði sem ekki hamlar hreyfigetu, t.d. ekki mjög þröngum gallabuxum eða þess háttar :)

Laust starf

Við Naustaskóla er laust til umsóknar starf skólaliða. Starf skólaliða er fjölbreytt og felur í sér gæslu og aðstoð við nemendur í starfi og leik á vegum skólans, störf í Fristund, við matarafgreiðslu, ræstingar o.fl. Nánari upplýsingar má finna á heimasíðu skólans eða Akureyrarbæjar, eða hjá skólustjóra.

Umsóknarfrestur er til 7. janúar.

Kæra skólasamfélag

Þá er árið 2009 að baki og við kveðjum það eflaust með mismiklum söknuði. Það var engu að síður árið þar sem við stofnuðum skólann okkur og ýttum starfinu úr vör og fyrir Naustaskóla verður því árið 2009 alltaf dýrmætt - sjálft fæðingarárið. Nú biður okkar það starf að halda áfram að annast nýfædda skólann okkar og sýna honum það atlæti og umhyggju sem hann þarfnast og á skilið eins og annað ungiði. Við þurfum öll að gera okkar besta til að koma honum almennilega á legg, gefa leiðbeiningar þegar okkur sýnist hann bera af leið, hrósa fyrir það sem vel er gert, hjálpa aftur á fætur ef hann hrasar. Hann verður auðvitað með einhverja vaxtarverki næstu árin, kannski þurfum við stundum að sýna honum umburðarlyndi og það er fyrirsjáanlegt að innan nokkurra missera verði fötin hans skyndilega of lítil og við þurfum sameiginlega að biðja um stækkun á þeim :) En fyrst og fremst þurfum við að láta okkur þykja vænt um hann, hvetja, leiðbeina og gefa af okkur. Þá mun okkur sannarlega lánast að búa til samfélag þar sem við getum öll lært, þroskast og dafnað saman um ókomin ár.

Nemendum, foreldrum og starfsfólki færi ég bestu þakkir fyrir samstarfið við fyrstu skref Naustaskóla, með von um að lífið verði áfram dásamlegt á nýja árinu! Ágúst Jakobsson


Breytingar á stundatöflum

Eins og auglýst hefur verið með tölvupóstum og á vefsíðu gerum við nokkrar breytingar á stundatöflum nemenda nú um áramótin. Þær fela í sér að við byrjum kennslu kl. 8:10 á morgnana, styttingu ávaxtastundina sem var óþarflega löng og sömuleiðis hádegishléið. Þetta hefur í för með sér að skólatími nemenda dag hvern styttist um 25 mínútur að jafnaði, þannig lýkur nú kennslu hjá 1.-3. bekk kl. 13:15. Hjá eldri bekkjunum verða auk þess nokkrar tilfæringar á tímasetningum eftir hádegisdag. Ekki er um að ræða breytingar að öðru leyti, íþrótt- og sundtímar eru á sömu dögum o.s.frv. Nýjar stundatöflur má nálgast á heimasíðunni.

Lumar þú á verðmætum?

Enn bendum við á að skólanum geta nýst vel ýmsir hlutir sem hætt er að nota á heimilum. Við erum t.d. alltaf glöð að fá bækur á bókasafnið, spil af ýmsu tagi sem allir eru orðnir leiðir á heima, okkur þyrstir í hvers kyns föndurefni, tau og garn af ýmsu tagi, gamlar skyrtur nýtast vel sem hlífðarfatnaður í myndmennt og föndri og svona mætti lengi telja. Við biðjum því um að þið hugsið til okkar þegar þið sleppið fram af ykkur beislinu í tiltektinni á nýja árinu...!!

Við óskum nemendum og foreldrum gleðilegs árs og þökkum samstarfið á liðnu ári!



Forfallaskráningar í Mentor

Við minnum á að foreldrar geta sjálfir skráð forföll nemenda á vefnum mentor.is. Þetta er gert með því að skrá sig inn á fjölskylduvefinn og smella á hnappinn "skrá veikindi". (Sjá myndina að neðan) Athugið að þessi möguleiki er einungis til að skrá veikindi en eftir sem áður þarf að hringja í skólann til að biðja um leyfi fyrir nemendur.

The screenshot shows the Mentor website interface. On the left is a navigation menu with items like 'Forsíða', 'Tilkynningar', 'Skóladagatal', 'Starfsmenn', 'Námsáætlanir', 'Krækjur', 'Bekkljásti', and 'Leiðsagnamat'. The main content area displays a user profile for 'Eður Þorsteinn Sigurðsson' with fields for 'Nafn', 'Heimilisfang', 'Póstnúmer', 'Kennitala', 'Sími', 'Kyn', 'Móðurmál', and 'Upphafsdagur'. A photo of a child is shown next to the profile. On the right, there is a sidebar menu with sections: 'Ástundun' (containing 'Skrá veikindi'), 'Tilkynningar', 'Skóladagatal', and 'Skjöl' (containing 'Leikskólinn Mentor', 'Söngbók', 'Jólaögin 2008', 'Skólanámskrá', 'Foreldravíðtal', and 'Gullkorn'). A callout box with an arrow points to the 'Skrá veikindi' link, with the text 'Smellið á skrá veikindi'.

Foreldrar, starfsmenn og aðrir sem eiga leið um Kjarnagötu og bílastæði skólans á morgnana eru beðnir um að stilla hraða í hóf og hafa augun hjá sér í myrkrinu...!!

Smellið á skrá veikindi

Jólabemadagarnir tókust prýðilega

Á jólabemadögum 9.-11. desember unnu nemendur í 7 hópum en í hverjum og einum hóp voru krakkar úr öllum árgöngum skólans. Þetta tókst stórvel, þau eldri aðstoðuðu hin yngri (og stundum auðvitað öfugt) og allir virtust njóta fjölbreytninnar í hópunum. Verkefni voru líka margvísleg en áttu það flest sameiginlegt að tengjast jóluum á einhvern hátt. Stelpurnar á myndinni hér til hliðar voru hins vegar að vinna að verkefni sem ekki er lokið enn, en það felst í að búa til eins konar mósaikmynd af merki skólans úr miklum fjölda trékubba. Það verk heldur áfram nú á vorönninni....



Nemendasamkeppni: Gerð jafningjafræðsluefnis um jákvæða og örugga netnotkun barna og unglunga



SAFT, ungmennaráð SAFT, Heimili og skóli og Nýherji efna til samkeppni meðal grunn- og framhaldsskólanemenda um gerð jafningjafræðsluefnis sem stuðlar að jákvæðri og öruggri netnotkun.


Innsent efni má vera í formi myndbanda, kennslueininga, veggspjalda, handrita að leiknu efni, leikir o.s.frv., en miðað er við að það sé nýtilegt við jafningjafræðslu í grunnskólum landsins. Tekið er við efni bæði frá einstaklingum og bekkjum.

Efni þarf að skila inn fyrir 22. janúar 2010 en vinningshafar verða kynntir á alþjóðlega netöryggisdaginn 9. febrúar 2010. Þann dag mun SAFT standa fyrir ráðstefnu þar sem lögð verður áhersla á að brýna fyrir netnotendum að hugsa sig tvisvar um áður en þeir setja upplýsingar eða myndir á netið. Meðal vinninga má nefna IdeaPad fartölvu, Canon upptökuvél, prentara og flakkara.


Nánari upplýsingar má finna á www.saft.is

Læsi skimunarpróf - niðurstöður

Læsi skimunarpróf voru lögð fyrir nemendur í 1. og 2. bekk í nóvember sl. Það eru starfsmenn Skólaþróunarsviðs H.A. sem fara yfir prófin en þau eru lögð fyrir nemendur í öllum skólum sem nota kennsluáðferðina Byrjendalæsi undir handarjaðri H.A. Hér að neðan má sjá fyrstu niðurstöður fyrir Naustaskóla en þær eru í heildina tekið mjög ánægjulegar. Almenn viðmið um viðunandi árangur er 61% og þar yfir. Nemendur sem eru undir þeim árangri þurfa á að halda öflugu leiðsagnarmati og kennslu, ekki síst þeir sem ráðast í neðsta hópinn, þ.e. undir 30% árangur.



Mynd 2: Árangur Naustaskóla miðað við árangur allra Byrjendalæsissskóla. Alls þreyttu 947 nemendur af 979 prófið og náðu 57% þeirra yfir 60% árangri. Í Naustaskóla tóku 34 af 36 nemendum prófið og náðu 76% yfir 60% árangri.



Mynd 2: Árangur Naustaskóla miðað við árangur allra Byrjendalæsissskóla. Alls þreyttu 849 nemendur af 889 prófið og náðu 61% þeirra yfir 60% árangri. Í Naustaskóla tóku allir nemendur prófið og náðu 66% nemenda yfir 60% árangri.



Naustaskóli við Hólmatún, 600 Akureyri

www.naustaskoli.is - naustaskoli@akureyri.is - Sími 460-4100 - Frístund sími 460-4111

Janúar 2010

Sun	Mán	Þri	Mið	Fim	Fös	Lau
				31 Gamlársdagur	1 Nýársdagur	2
3	4 Starfsdagur Frístund lokað	5 Biximatur með salati	6 Steiktur fiskur m/ kartöflum, sósu og salati	7 Saxbauti með kartöflumús, og græn- meti 1. bekkur fer í sleða- ferð	8 Viðtalsdagur Frístund opin Grænmetissúpa, brauð og álegg	9
10	11 Soðinn fiskur m/ kartöflum, grænmeti og feiti	12 Karrýgúllas með hrísgrjónum og salati Skólatónleikar Sin- fóníuhljómsveitar Norðurlands	13 Steiktar fiskibollar m/kartöflum, sósu og salati	14 Snitzel m/ steiktum kartöflum og grænmeti	15 Makkarónusúpa, brauð og álegg	16
17	18 Soðinn fiskur m/ kartöflum, rófum og tómatsósu	19 Hakk og spaghetti m/ salati	20 Plokkfiskur m/ kartöflum, rúgbrauði og smjöri	21 Lasagna og salat	22 Skyr, brauð og álegg Bóndadagur Ullarfatadagur!	23
24	25 Soðinn fiskur m/ kartöflum, tómötum, gúrkum og laukfeiti	26 Slátur m/ kartöflum, jafningi og rófum	27 Ostafiskur m/ hrísgrjónum og karrýsósu	28 Hakkað buff m/ kartöflumús, grænmeti, salati og sósu	29 Hrísgrjónagrautur, brauð og álegg	30



**Búum okkur vel -
það er oft kalt í janúar :)**

